

حارس الصحرا الافاريل الافاريل

أسامة البنا

حارس الصحرا الضرير

شعر

أسامةالبنا



33

تعنى بنسشر الأعمال الإبداعية للبداعين للبدعى مصرالمستحسق فين

• هيئة التحرير و رئيس التحرير سيل التحرير مديرالتحرير مديرالتحرير سعيل شحاتية سكرتيرالتحرير محمود أنسور محمود أنسور

ملسله حــروف

تصدرها الهيئة العامة لقصور الثقافة

رئيس مجلس الإدارة
سعد عبد الرحمن
أمين عام النشر
محمد أبو المجد
مدير عام النشر
البتهال العسلي
الإشراف الفني
د. خالد سرور

- حارس الصحرا الصريـر
 - أسامة البنا
 - الطبعة الأولى،

الهيئة العامة لقصور الثقافة القاهرة - 2014م

• تصميم الغلاف:

د. خالد سرور

- الإعداد الفني، وحدة التجهيزات
 - رقم الإيداع ٢٠١٤/ ٢٠١٤
- الترقيم الدولى، 8-3|7-718-977-978
 - المراسلات:

باسم / مدير التحرير على العنوان التالى: 16 شارع أمين سامي - قــصــر الــعــيــني القاهرة - رقم بريدى ا156 ت، 27947891 (داخلى: 180)

> الطباعة والتنفيذ ا شركة الأمل للطباعة والنشر ت 3904096

الأراء الواردة في هذا الكتاب لا تعبر بالضرورة عن توجه الهيئة بلاواردة في هذا الكتاب المؤلف وتوجهه في المقام الأول.

• حقوق النشر والطباعة محفوظة للهيئة العامة لقصور الثقافة. • يحظر إعادة النشر أو النسخ أو الاقتباس بأية صورة إلا بإذن كتابى من الهيئة العامة لقصور الثقافة، أو بالإشارة إلى المصدر.

حارس الصحرا الضرير

ويا مَن قد رُحتَ في النبوم في سيفينةِ الجسد لقد رأيتَ الماء فانظرْ إلى ماءِ الماء للماءِ ماءٌ يسيَّره وللروح روحٌ تدعوها

جللال الديسن الرومس

راعس الغنسم

قولى للريح تنتظرنى أعد غنماتى . . واعلمها واسميها بأسماء البلاد واقرا تعاويذ الرعاه قبل الميلاد واعد زاد للريح وقطاع الطريق وقطاع الطريق تنتظر أحفظ ملامح كل ما (ملكت يدايا) والسبايا

وأسرَّح الزوجات على الأربع جهات
وانى مطرح ما تحطى يا ريح ح احط
من زمن قالع ارادتى حته حته
واللى فاضل منى جته
عارفه إمتى تبتدى قصص الغرام
وامتى تحنيط الأحبه

صدقة للأموات

الشمس ما بتزقش باب لمَّا بتخش بيوت لكن ما بتستأذنش لمَّا بتدخل . . من خرم الإبره

ما بتقدرش تصحيني وانا واخد تعسيلة موت

ميت بصحيح . . .

بس مخبی الروح البردانه تحت مخده وحارسها بورده و (أنوبیس) کل نهار بیعدی بیسیب ف سریری عملامة وتاریخ الیوم

و قصيده (لليلى) اتكسفت ما تقولها (لقيس) ميت بصحيح . . .
لكن باسمع خبط المطر الفايت صدفه ع الشباك فايت بيوزع صدقه ورغيف حاف ع الأموات

مســخ

أنا تينى ، . تمرى ، . سفرى ف المنفى باعت سحابنى يشدنى ليمه ويطفَى جمرى ف المرايات الغريبه

أنا يا الصحاب يادوب إيديا ملمسه ع الشرخ بانفخ تراب المسخ باستوعب حدود الفخ أنا لسه يا أعراب ... مخبى حتى صوتى ف المنديل طيرى الأبابيل .. انتفاضة السهم الوديع

لأ مش أنا ال بنهج
دا كان صوت (البنفسج لمّا يبهج)
لويشوف عدوده طاله
من شبابيك البيوت

وحسم	للمسوت
------	--------

قالت لى: مش شهوه و لا رغبة قدم للموت وحم و نشيد بيصعد كام سما و بيرمى روحه للحقايق . . للهزايم و العدم

قالت لى: مش شيفانى ف مكانى ف حرملك ولا عدت باملك م الجوارى إلا روحى اخطفنى من بوحى وسبلى كفك الموت الأخير

زامسر الحسى

ایه یخلی بیوت تجازف بالسکینه تزق مطارحها لبعید؟ او اللی طالل عالسکك ریحة شیاط کدلیل واخدنا من إیدینا للمصیر؟ الالی عصایه باهش بیها عالفنم و الالی غنم و الالی غنم حتی المآرب زی قارب و اندفن جوا الرمال کل ما دقت طبول المعرکه صرخت ضلوعی المنهکه ف حد السیوف قالت: یا هدنه

آه یا شهوة سیف جریح داخل ف عتمه یسد تاره جوا داره (زامر الحی) . . اللی راشقه بین ضلوعه الربابه قایم یهش ف غربته وخفافیش بتنداری ف عبه

إحسنا العشسرة

يااااه ١١ فنجان القهوه اللي شربناه إحنا العشرة سُني وشيعي وشيوعي ووجودي ومرتد . . درويش . . حرفوش وإمام وعدو وحد ما نعرفهوش قريناه إحنا العشره مية مره مش بيقول غير: فايديك إيد جنه وإيد نار

المطففين

طالع صليبك يا غريب ولا طالع لك؟
وحدفت إيدك البيضا اليمين دى لمين؟
تسمع ندا الأرواح بتنده:
يا مطففين ١١
يا قسمه ما بتقبلش حد
يا صوت ما قام الحد
يا صلى الغنا والمنشدين
صاحب صليبك لا مفر

واوعاك يغشك طير بيلمس السما وتشوفه حر لسه الطريق مقطوع ما بين الويل وبين المطففين لسه الوشوش الصفرا متشافه وشوش المؤمنين

الفايت

الفايت على قبر حبيبتى مش بس بيخطف من بابه الورد و لا مستكفى بإنه يقيم الحد علينا ف لمس اليد ف لمس اليد وبيجرى ورانا احنا الحافيين فوق الأسفلت وبيخطف عيشنا الحاف الناشف الحايشينه لوقت عُجاف

كشية

لمین هیاکل بعضنا وکإننا عیدان وقش تقولی لی: شایفه من بعید قیامه جایه تحش حش أضحك وأقول لك: حركی حصانك بعید

وكفاية نتش عدت علينا كام قيامه من بعيد ولا واحده منهم فكرت مرة تخش تقول لى: إيه اللى رجع البيادق ورا ١٤ خايضة الملك يتهزأو يتنش أضحك و أقول لك: أبشرى مات الملك من قبل ما يتكش

	**	- 64
*	Λ.	- 71
L_L	9&_	ال
	-	- ,

إوعى تحبينى لاستهلاك الوقت أنا كنت الوقت وكنت الأزمة وكنت التفاصيل المنسيه كنت الدهشه المنفيه كنت القاتل كنت القاتل كنت الماسه مش طايشه كنت الديه لكن عمرى ما كنت الضحرة الصفرا وعمرى ما كنت ف قبضة إيدك ميه

كشيف النذات

ولا قولتش للمطراتبعنى جوا حيطانى المشروخه ولا قولتش لغريب فايت على حلقة ذكر اهزمنى وكإنى عارفنى ولا أول مره باشوفنى ولا بانطق صوتى ولا ميت موتى ولا باتعلم أستنى طير شارد على باب فخ

لُقسا فسى الغمسوض

أنا مش بأقول لولادى إن الأرض كرويه وإن المرايه رصيف بيستنانا ف نهاية النهار نتحامى بيه ضحكتنا كانت أرغفه حاف نشتهيها ف عام رماده لا بنفتح الباب للغريب ولا للمؤذن

أنا مش بأقول لولادى إن الفرح عوره والجرح ثوره والغيبة دوره والغيبة دوره وبابص فيهم وابتسم لمّا باشوفهم مستنيين الرمل زيى يستوى ف الشمس وبينبشوا ف الضلمة عن دهشة تنظم دقة الساعة القديمة وبيسألونى بنلتقى لية ف الغموض ١٩

من ورا الشباك

أنا لسه حى
وبابتسم لك من ورا الشباك
يمكن هناك طاير غُبار
جوا ف بيوت متسلسله
لكن باغنى
غُنايا مش مربوط
باكتب رسايل عشق لكل حاجه فيًا
وبتبعتى لى حروف زياده
فوق حروف الأبجديه

لا خفت من ضلمه ولا تكشيرة السجان ع الريق لكنى خايف ما انسى مره وتلمحينى ف المرايه أو ف ميه بدون عيون ملى لى يمكن أتجبر صلى لى يمكن أتجبر وألحق سما مفتوحه منسيه

*	4 .	. +	- 4
A .	4	Α.	- []
فتد كالمائية		ــر ۵ ا	
44	, •	~	•

المره الجايه مش هاسمح للروح دى تهوّب لشيطان الشعر مش هأقبل أكون متفرج ف السيرك راح اكون حاوى وبلياتشو وساحر هأقفل على تفاصيلى ف وش صحابى بكلمة سر

المره الجايه لمّا ح اقابلك صدفه و أندهلك . . اجرى وما ترديش لإنى راح اخدك من إيدك كالعاده لكنى ح ابيعك للى هيدفع فيكى أكبر سعر

عسرق الحسيطان

عرق الحيطان اللي انتي كنتي تبلّي بيه شرباتك الوردي طاردنا من تفاصيل البيوت أنا باجلد الباب اللي سامح لي بخروج باقراف كتاب التاريخ بالعكس يمكن ما اشتهيش النبوءه

ما تبصليش خجلانه من عرق الحيطان السه بادادى الروح لإيمان العوام أنا مش فلان أنا مش فلان أنا حد بره (الأدلجة) بيرتد للإنسان

بيسن سيفيس

علمنی شیخی أكفن الموتی لكنی لسه ما جهرتش بعلم علمنی أشم الموت ف أعتاب البیوت علمنی إنی ما امتلك ما تروح له شهوه و لا اسیب لسهوة سیف تاخدنی ف وقت غیبه روح فدوینی من جرحی بجروح

واعفینی م السر . . الأمانه . . التجربه فأنا اللی قابل أكون جهول وارضی الحلول من غیر حلول من غیر حلول من غیر هبه وارضی الصعود والهاویه وأقبل أكون واقف ما بین سیفین (علی) و (معاویة)

سسيرة النار

قالها ف الغيبوبه . . ف الوجع الأخير : باحسد النار ف الصعود المُشتهى مالهاش شبيه فارس ماهوش مشغول بغير الكر والفر عارفه الخرايط والسكك رغم العمه م القلب واقفه ع الحياد وقت الهزايم والغنايم والفنا تبتسم للريح تغنى تشوف كفنها ف الرماد

مكيساج

مالكيش سما بشبابيك
بتستنظر دُعاكى
فاقلعى المكياج
وهاقلع بسمة الدراويش
لسه فاضل لى دخول شتا
ومنفى ف بيوت
واللى فاضل لك صرخة القاطع طريق

بسير السسلم

من إمتى أنا قاعد ومقرفصنى
ف بير سلم
وكإنى باحرس عش
سيجارتى اللى بادخنها وبتدخنى
. ما بتخلصش
لا مواعد (ليلى)
و لا مستنى ست الحسن
و لا باصص لسمايا تحدف لى عروسه بحر

تنزل تقاسمنی ف کومة قش أنا صوتی الد مش سامعه مش هش علشان یخرج للشارع یشحت مواعید و لا یبقی عدید لأحبه عبید أنا كل بنیه طالعه أو نازله . . ابتسمت لی . . ما رجعتش ما رجعتش

الظـن

السه ظنی زی بقعة نور بتضوی أو حلیب طازه لسه شوفی خدعه واخدانی لفخ لسه شوفی خدعه واخدانی لفخ لو یطخ الروح نبی فالعین تفسرها بإشاره

لسه فاكرين إن كان للميه ضل بيشتهينا لمَّا بنبص ف مرايا

وإن كان للضل ضل

بيستخبى منه فيه

لمًا بيعادينا شوفنا

وتخونًا البلاد

لسه فاكرين إن كان للأبجديه إيدين طوال

تبتدى ترص الفصول الأربعه

لنًا بيأمرها الحصاد

لو يكون لى ف النفس قراطين براح

أختار عدوي

أو ألاقى حد يقبلنى . . يعاديني

أو يعديني لشارع سد

مقضول للحداد

•	1	
9		

قولها: عداوه رصاصه واضحه بملو فُم لا كنت يوم نايب ف قسمة حق ولا بُق ميه ع السكك ولا ابن أم لا دم جد يجرنى لدايرة خجل ولا خوف على نهاية أجل بالسيف الضل قلب الزيف

فخدنى تحت شمس ف قلب دايره واجمع عبيدك ، قولهم إن انت جمعت (الحديث) مش (ابوهريرة) مش (ابوهريرة) وانت اللي سمى الفعل (ماضى ومضارع وأمر) والحروف الأبجدية قبل ما تكتب قصايدك مُهمَلة كانت وبايره

غيباب الغيباب

حلال للشارع أمًا يغنى ف الوحده غنا (فيروز)
(غاب نهار آخر)
ويطفى حضوره ف العتمه ويتبرى من الفايتين حلال ليًا اشتهيكى غيمه مش بتخبى غير روحى ف وقت عُجاف

عدوى مش بيسمع صوتى لل أقراف سورة (الكهف) ولا بيحزن لى لل باغيب ف صوت (درويش) ف صوت (درويش) ولا باحزن له لل بيقسم الكفن نصين

سسرينرفي الأسسر

•

صاحى ف سرير مش مطرحه مطرح ما بات سايب ثبات الشوف ف حلم تقيل صاحى قتيل ف الأسر متاخد واخد دوار البحر من بحره و بلك الهدوم كل اللى قادر ألمحه حواليًا سور وجنينه مش خضره وشجر لبلاب ودوم

فايره الغيوم تحت المخده شاده ديل الحلم من وجعه الكتوم فيا مين يصحى سريرى من تحتى يا مين يخطفنى سر يا مين يخطفنى سر من غير ما يصحو (الفرس) من غير ما يصحو (الفرس) من جنبى الشمال ويصحى من جنبى المين (الروم)

مشهد الغيوم

كل اللى فاضل م الغيوم الغيمة ديه غيمه جايه قد كسوة عيد مقاسى واللى فاضل م المشاوير اللى فاضل م المشاوير يا دوب مداسى بخلى مش ف الشهوه ولا مد الإيدين بره البيبان أنا بُخلى ف الدهشه السخيه أنا بُخلى ف الدهشه السخيه مطّلعه لسانها البريء مطّلعه لسانها البريء

الحسول والعسزل

للشاعبر أحمد فبؤاد جويلي

راجعه الجيوش المجهده
يستنوا طلعة الأرواح ف خيشك
لا باب بيسترباب و لا عتبه
وانت الآوان
لو هل مل من الصحاب
أشباح بتهرب م الونس
لا سيف ف إيد و لا كعبه
أسرك ف طلك ع البراح
أسرك ف ظنك ف البدن
فعتقت روحك م البدن
فكتها رقبه

واقفه الخيول ف الطل حافظه السر مخطوفه ف غربه تغفل على صوتك ونيس: (والعاديات ضبحا) يرجع نباح السيوف تزغدها رهبه

ف الكف تمر
يسد جوع (السهروردى)
حليب بيبرق حايشه (للحلاج)
وبراح ما سايع غير ملايكه وأحبه
لا انا أول الحاجين لهوك
ولا آخر الفارين لروحى
وقت غضبه
قول للأحبه الوحده غربه
الوصل ضربه للسكك

سيفر الديابة

أجّلى السفر اللي جريت عششت فيه الديابه الوديعه كل الحروف الأبجديه حد تاني أول السطر الخديعه قولى للمنشد يغنى للحقايق وقت ما يلمس طلوع الروح تحت جلد الوش ثوره والفوارس زى أنثى الديب ما تملك إلا تلحس موضع العوره ما تملك إلا تلحس موضع العوره

شباك ابن حسوا

اخطف جحيمك يا ابن حوا من عدوك وانتظر صيدك وصيادك تعدل ما تعدل بين نارينك الهوى فخ البصيره واكشف شباكك يا ابن حوا اضحك لجلادك وقاسمه التمرتين

رماد البتول

طاير رمادك يا البتول ما كانتش شهوه للصعود أو وقفه على باب السما الأرض صاحيه الصبح أضيق من رصاصه ف لحم ديب ف لحم ديب (سبحانه من أسرى) برمادك فوق خرايط انهزمت لها

فخاخ العابر سبيل

لحم الوشوش النى طافح م الجماجم السه ما تعلمش يخجل من فخاخ منصوبه للعابر سبيل وانت ابن لحظة بتتولد وبتنسحب من بين حيطان أسمنت زى ما تشتهيك القابله دمك خطيئة ورد روحك دى توليفة بخور العطارين لا فاصل الدمين أدان وكتاب ودم ولا سهم شق الضهر قال يابن أم ١١.

يا مؤمنين بالعشق والكرباج على ضهور الصحابه كل السيوف الحاميه عاميه سيوف غلابه تشق سقف السما وتصرخ (آمين) خلف الإمام

حكمسة البدخسان

قالت: علمنى الدخان الحكمه
ف لحظة شهوات الرده
مع إنه كان نفسه يرتد
لكنه أنبل م المد
وأطيب م المورد
وأصفى من ضحكة بنوته
ف ميدان فاضى
وأوضح من دوران الأرض
لإنه ما بيحِنّش للأرض الح طرداه لسماها
و لا مؤمن غير باللحظه المقتوله والرفض

غيبوبة

نايمه هناك

ومبحلقه عنيكي ف سكة قطر

ما بتحلميش بيًا

فايته الملايكه توشوشك

موتك دا منى واللا ميته فيًا؟

أنا ليه هنا . .

متداری من روحك وروحی جوا روحی ف خن ۱۶

وباحن للطير اللي طاير من نواحيكي١٩

أنا ليه هنا . . خاطفنى حد ف مطرحى خاطفنى حد ف مطرحى وخاطفنى بوحى ١٩ بامشى على طراطيف جروحى خايف لاصحيكى كل اللى نفسى واللى خايف أسأله: أنا بابدأك من تانى واللا بامحيكى ؟

الأنصار

وكإنها السموات وضاقت وحى هارب واخد التباريح معاه لا ضل حاوط ع المشيئه ولا رشقة النور اللى عشش ف الصدور ماكانش تقسيم الغنايم سيف . . على رقاب الصحابه ولا صوت قبايل أشهرت حد الحرابه واستجارت بالرماح

طاير رماد (الأوس والخزرج) على وش الكتاب أطياب بتفتح ف البيبان م البسمله تنصر غريبك يا الغريب تمنح مُذلك ما تيسر من مفاتيح البلاد وتدوس حوافر خيلك الدم الرحيم ال

واقعه (قريش) اليعربيه من حصانك واتبعترت بين السبل وانت الحدود . . انت الفواصل والميزان ف (مطففين) والميزان ف (مطففين) أشراف بتستدعى الشرف . . من راس (هُبل) من راس (هُبل) تصرخ لدمك يا (عمر)/ عرق الأبُوه تصرخ لدمك يا (عمر)/ عرق الأبُوه و (قريش) على باب السكك قالعه النبوه لابسه فظاظات الصحارى والجبل

برد وملايكه ساكنه ف الأرواح قطيفه طار الحمام من غاره حط على (السقيفه) فاغمد سيوفك ياالفاروق استنى نصرالله وفتح صوت المؤدن يا (عمر) سيف الخليفه والبيعة مش ف الفرض والجنه اللي كانت عرضها سموات وأرض بتتفتح وبتتقفل على صوت بيوزن دم مكة والمدينة والسكينة بتزتجف لوبان شبح دقات طبول أو ضل ضد

مسونسة

ماسابتلیش دهشه ولا فخ
ولا شرخ ف مرایه یخبینی
لم بتیجی عینیا ف عینیا
ولا سابت عتبه ف منام تقبلنی
ولا ریبه تنجدنی
لم تنق الباب بعنیها
تدخل تدفن صوابعها ف شعری
وتغطینی وتموت لی

ابتزاز

ماتلمنیش لحظة ما باغضب
زی فتافیت الإزاز
ولا زی حبات الرزاز
یمکن صحیح انا طفل جارر م السکك
ومن البلاد کل العباد
لکنی ما باحسش ف صوتك
لگا بتموتی لی موتی ف الغضب
غیر ابتزاز

عــزا واحــد

اتدًارى خلَى (مسيلمة) يجهر بدقات الطبول خلَى الخيول الجاية طايره تصدق السكك النبيلة وانها لسه خيول وانها لسه خيول ميت في حضنك . . بس مش سامع عديدك بس مش سامع عديدك يمكن عشان إنتى وانا واقفين على صوانين ف هو ومفتوحين على هو متعلقين فوق الرفوف نعشين

بناخد عزانا ف بعض

مسداخسسل

جى مستخبى استنظرك على باب شتا قال إنه داخل عارفك لا جايه بدون معاد و لا عمره داخل كل المداخل زى عابرين السبيل ألغاز بتخاف ما تنحاز للقا

إيدى اللى فاضيه من إيديكى العرقانين مش هينه واقفه لى باكيه ف الكلام بين كل حرف وحرف لو اغمض الروح والعينين المدبوحين المقاكى ألف لو اوشوشك مخنوق وخجلان ما اللقا

المسوت ف الحيساد

يا تكون صد طلق رصاص أو حائط صد طلق رصاص أو حائط صد الشوكه المغروسه ف حلق الورد ما بتدبلش لو دبل الورد والمد اللاوى دراع البحر ما بيتقمش عليه الحد فارتد لعدوك لو تعرف ترتد الود الزايف مش حد الود الزايف مش حد

فاحتد . . .

وقول للضحكه الدمش ضحكه يا شيطان الخد واوعى تهاود قلبك لو طبطب وإن رخا . شد الموت على غفله ف طقة عرق

حارس الصحرا الضرير

شيخى اللى كان قاطع طريق الأنبيا وبيسرق المعجزات بيرد للشارع بصر ويردع الريح السلام وبيخطف الروح و الإمامة من الإمام وانا حارس الجنة النجيب سيفى الخشب بيونس الطمى اللى خايف م الغريب وباغنى للنار اللى واقفه . .

حد فاصل ع السكك أنا حارس الصحرا الضرير باستنى دهشه تعيدنى للألوان ورعشة تاخدنى للشوف القديم وباعلم الرمل الكلام

من فين يا شيخى . .
هيبدأ السيف القصاص ؟ ا
والدم والطمى انتهوا ضدين . .
على التأويل ؟ ا
والغيم دليل شاهد ذليل ! ا
وازاى يا شيخى ح تلهم النار النبوءة .
ف القصاص ؟ !

طفلين في ميدان

بوستك امبارح ف حلم كنا طفلين ف الميدان بنبص على بكره ف وشوش الميتين وبنستخبى ف المجتت من حد لا سرقنا ورد من الغيطان ولا حد فينا أفشى سر واللى فاكره إننا طفلين . . واللى من إقامة حد غبت من خجلى القديم . .

بوستك ف خد فقت. . كنتى هناك بتبكى جاريه متباعه لعبد كنت انا المقطوع لسنانى كنت انا مش حد تانى شيخ وفوقه حجاره سودا نفسه يسأل حد فايت: يعنى إيه أرتد؟

البدم والصبراط

الدم مابيكدبش فوق رمل الصراط ولا يفشى سره إلا لمريده وكإن يا نايحه النواح أشباح بتتعلم تغنى لدم مجهول النسب وإن الخيول البكر شاخت واستعدت بابتسامه للغسول

-أنا رمل باحفظ ما تيسر من أناشيد الصعود أنا الوعد/ الوعيد وشهاده ملزوقه على جتة شهيد أنا لسه باصرخ ف الفضا: يا رصاص يا أرحم ع الغنايم . . من نياب المصيده وضحكة الصياد أنا رمل أطهر من مطر . . أنا رمل أطهر من مطر . . أنا فرشة الأبكار أنا فرشة الأبكار أنا الغسل الأخير

شبحين

إزاى تكون شبحين بنسند جتتين ف الضل بنطل م الأسفلت على صهد البيوت؟ اونعيد ف سيرة موت بلون واحد ؟ اماحناش عسس بنلفع الميادين نناول الجتت القديمه عنوان القبور

مننا أكيد إنتى وانا ورجعنا تانى
ما نكونش حنينا لدوار البحر ف الميادين الووش ضاحك ع الحياد . .
وف نص سكه ما بين أحبه وميتن الازقين ف بعض)
ومع إننا (لازقين ف بعض)
أصرخ ما أصرخ . . تصرخى . .
ما سمعنا بعض
شايفه عيوننا كل تفاصيل الفخاخ
تكننا ما لمحنا بعض
آخر حدودى انى المحك برق وغريب
آخر حدودك تسمعينى رصاص ورعد

الــزــــ

غيبينى يا مرايتى يا بسارات الرجوع م المنفى وأول المؤمنين بالأفول غيبينى و غيبى الرمل اللى دايساه . . المفوارس والمخيول المفوارس والمخيول لا طبول بتعلن على وصول المدد ما صعد م البحر غير ريم الزبد فتشت صنمه ما لقيت المروف (أحدُ... أحد)

بطسولس ازای؟!

بطولى اذاى ١٩ وضلى لسه حلم ودم ا وصوتى بيوت ساكنها الجان ا ودمى يصحى صبحه جيوش ماهيش عرقانه م الأحلام ا أوشوش روحى . . فيردوا عليًا صحاب من الدراويش يردوا غيبتى وغيابى ف قلب رصيف ولو بافتح كفوفى ف جوعه يسكنها الحليب والتمر

أمسوات

أنا ميتها اللي مكفّن روحه بروحه ورصيفها الفطسان م الضحك لما بيفضى الشارع م الحواديت مستنى حاجات . . على ناصية شارع . . ماتت من عمر ماتت من عمر يمكن كلنا أموات لكن عارفين نتلاقى ف لغز لكن عارفين نتلاقى ف لغز

قال لسي انهسزم لسي

قال لى انهزم لى
وسيبنى حارس باب مداين
أسأل سؤالى لكل داخل
واجلد بعزمى كل جاهل . .
كل سائل . .
يختشى ويخبى وشه ف الدفاتر
وانفرد وحدى بحوار الطير
وامنع التجوال مواسم ف السما
واقفل شوارعها على الطير المهاجر

قال لى انهزم لى ناولنى سيف الحياء ف إيد ونشيد غرام طعم لضرير شارد ف إيد ف إيد ف إيد واجعلنى شاهد عدل واقف ع الصراط فاصل ما بين الجنة والنار ف المصاير

مسائسدة علس الرصييف

فوقى سما وتحتى سما خايفين ما يشتوا كل الوشوش فوق الرصيف باصين لتحت ورصف يقول ارتحت م الغربه وفتحت بابى للهزايم لا صاحى . . لا نايم لكنى معلم الأموات بسر الموته والموته

فوقى سما وتحتى سما ومسيح خجول طالع ونازل للرصيف بيعد فوقه للأحبه (عشاء أخير) وبيستجير بالموتى لمًا يكشر الأسفلت

ضسل الإمسامة

كنت الغريب طالل على وش الحليب تقرى الغياب جوا النفوس وقت القصاص ما فهمتش الحكمة النبيلة من الشياط وانت بتطفى لحمك الميت بصوت سيفك ف باط وكتاب ف باط وعينيك ناصبها ع الصراط تسأل أئمه بينبشوا ف الضل عن ضل الإمامه

تسأل فخاخ العتمه عن سر السلامه عن ميتين ما بيفطسوش م الضحك لًا تبوح لهم بالسر.

بالجنه..

بأهوال القيامه

لكنهم بالعافيه يبتسموا ف كفن

للًا بيخشوا البياض

خصومة ع البصيرة

خصومى ع البصيره بينسوا شوفى للبشاره ومسكى للعلامات وبينصبوا لى ف كل شهوه ورغبه فخ سلامى ع البلاد ف الحشر مش واصل ولا مستنى رد عليه ولا بيشفعش ابادل تمرى بسؤالى وغنا الأغراب أقول (للخضر) إيه جابك بلاد بتخاف من التأويل فارمل بيكره الخضرة فرمل بيكره الخضرة

باقول لك بخير
باحل الخيول والطيور السجينة
وباسقى اليمام
وباكنس مكانى لروحى اللى راجعه
وارش الحكاوى البعيدة القديمة
بمسك الختام
باهزف شفايف موتانا يمكن
ما تصرخف وشى
استعيد الكلام

الغنايم والغسواية

قرا ما تيسر / ما تعسر من تواريخ الهزايم شاف الغنايم ف الغنا . . وأناشيد بتتوزع ف قلب رغيف نحيف قرا ريبة المسكون بطيره . . و (سورة الإخلاص) في (اللاتي والعُزة) وف كل رب بيشحتوله مقام قرا فتنة المأزوم بضحك المرايات البريئة ف المنام

قال: اليفط بره المداين . . ساحبه كل العابرين للأبجديه الخرم إبره لا سألت طير (في المهد) عن وجع الغوايه ف الحصاد والاشتها وجمع الغنايم ولا قلت (للسنوات عجاف) إزاى بيطرح جوعك الدايم شموسك ف التعفض؟ ا

<u> </u>	الفي
L-3-	*

أنا ف الخطيئة يادوب أبان حبة رماد أنا يا الحقيقة يادوب أبان فكرة حقيقة بتترسم لى على مرمى البصر ضلى انكسر من غيبة الدهشة وسكنة الرعشة البيبان المحايدة مهما تشكشكنى الغيوم و تثور ف وشى:

- اقرا وشوف. . كون لى المدد أصرخ ما شايف غير هدد وبلاد بتغرق ف الزبد وغيوم ما تعرف غير غيوم

الخسر

أنا ف (الخسر)
لكن طالق الأسرى يمام من عبى
و(الطير الأبابيل)
جسدى القتيل رافض يكون رايات
بلا ألوان
لا تُذكرنى ف شرخة روح
ولا ف غضبك
ولا (تُذكرنى عند ربك) ف البروج
لا صنمى إزاز معلمنى أكون عبده
ولا جلاد

تحت الباب في الغياب لو غاب يونس نخل مستنى غريب فايت يونس نخل مستنى غريب فايت حضورى ف النشيد أبقى من المنشد وم الكلمات فما تبصش لميت مات من المذكرى ولا تستنى منه رساله يبعتها حمام زاجل

ـــر	الس	ف
•		

أنا ميتها اللي مكفن روحه بروحه ورصيفها الباكي من المضحك للمنابع من المضحك للمنابع من المسائل المنابع على) سؤال السائل للمنابع المنابع المنابع في شق ضلوعه في شق ضلوعه ونزوله منازل مخفية طوبي للزاير قبري في السر

الجنسة الجسبرية

وأعيد آدما

البادى بحشرف (سفرالتكوين)

مُت ف إيدك . .

أو مُتى ف إيدى وقت ما عريتك

مش فاكر

كنا جبلين بنحاول نتاخر لبراح

لوأنطق اعيبك

لوأسكت اصيبك

مع إنى صليبك وقت ما بتزومى رياح

يا حوا الفرض والجنه الجبريه ف ساحة عرض أنا طمى بيرتد لأرض وسؤال طاير واقع عالسر

اللاحسال

لاع الحياد ولا مُنحاز
رايح ف غيبوبه
ومتّدارى ف لمبة جاز
قايد شموع مخفيه تحت الباط
بتّدفى غريب غايب
سايب جيوش مهزومه..
بتغنى الهزايم ف الغرام
سامع مؤدن ف الضلوع
بيئن (حى على) العوام

لا ف انتظار محبوبه منسيه و لا عدوه ف الغيبه حالة اللا حال ف الغيبه حالة اللا حال لا بره . . لا جوه يمكن لا رافع رايه و لا حارس لبير لا حارس الأسرى الأعادى و لا الأسير و لا الأسير بس الأكيده الابتسامه عازله ما بين طوبه وبين أمشير

فسخ الهامسش

يمكن مش لاجئ م (المتن) لفخ الهامش ولا كابش مسافات النور . .
للضيق الحاشر صوتى المجهول وشموع مطفيه وحرافيش مساطيل ما تشكيش ف حضور الملح . .
ف غياب الدم المسروق م العين مش مستنى الضوء الغرقان مش مستنى الضوء الغرقان يصرخ:
يخرج من بين سطرين يصرخ:
اتساووا البحرين

أسامة البنا

صدرله،

- لا هناك ولا... .. ديوان شعر سلسلة إبداعات ٢٠٠٠.
- ضل راجل .. مسرحية دليل النصوص .. ٢٠٠٢.
- ما تسمیهاش مریم .. دیوان شعر الحضارة للنشر ۲۰۰۸.
- الحقايق تتشاف ف العتمة .. ديوان شعر الأدهم ٢٠١٢.

إهداء
راعى الغنم
صدقة للأموات
مســخ
للموت وحم19
زامر الحي
إحنا العُشَرَة
المطففيين
الفايت
كشــة
الوقت1
كشف النات
ر لقا في الغموض
من ورا الشباك
المرة الجاية59
عرق الحيطان



بين سيفين67
سيرة المنار
مكيـاج
بيرالسلم
الظلن
عداوة
غياب الغياب91
سرير في الأسر95
مشهدالغيوم99
الحلول والعزل 103
سفرالديابة
ر شباك ابن حوا 113
رُماد البتول
فخاخ العابر سبيل
حكمة الدخان
غيبوبة
الأنصارا
موتة
ابـتزاز
عزا واحد
مـداخـل 151

الموت ف الحياد 155
حارس الصحرا الضرير 159
طفلين في ميدان
الدم والصسراط167
شبحين
الزبد175
بطولى ازاى ١٤
أموات183
قال لى انهزم لى 187
مائدة على الرصيف191
ضل الإمامة
خصومة ع البصيرة
بخير
الغنايم والغواية
الغيـوم11
المخسـر
ف السر
الجنة الجبرية
اللا حال
فخ الهامش
التعريف بالشاعر 235

شركة الأمل للطباعة والنشر (مورافيتلي سابقا) ت، 23952496 ، 23904096

الفلاف ... د خالد سرور

اوعى تحبينى لاستهلاك الوقت وكنت الوقت وكنت الأزمه وكنت التفاصيل المنسيه كنت المهنه المنفيه كنت القاتل كنت القاتل كنت العاتل مش طايشه كنت الديم لكن عمرى ما كنت الضحكة الصفرا وعمرى ما كنت الضحكة الصفرا وعمرى ما كنت الضحكة الصفرا





